

rum virtute nobis, & successoribus nostris plenissimam emendandi, ampliandi, & ea, quæ oportuerit, statuendi, & ordinandi in posterum potestatem reservamus, ut possimus id facere de consensu, petitione, & instantiâ Regiæ Majestatis; tam circa quæstionem, & taxationem dotis perpetuam, vel temporalem, & limitum nostri Episcopatus, & omnium beneficiorum, quam circa retentionem decimarum, vel divisionem earumdem secundum tenorem Bullæ Alexandri, per quam ipsis Regibus Hispaniæ fuit facta donatio decimarum, *licet ad præsens, per eandem Regiam Majestatem ad alimenta nobis sint, cum his tamen qualitatibus, donata.* Quæ omnia, & singula, instantibus, & petentibus prædictis Dominis meis Reginâ, ac Regibus, dictâ Apostolicâ auctoritate, quâ fungimur in hac parte, & melioribus modo, viâ, atque formâ, quibus melius possumus, & de jure debemus, erigimus, instituimus, creamus, facimus, disponimus & ordinamus, cum omnibus, ac singulis ad id necessariis, & opportunis; non obstantibus contrariis quibuscumque, & illis præcipuè, quæ Sanctissimus Dominus noster præfatus in suis præinsertis litteris Apostolicis voluit non ob stare; & ea omnia, & singula, omnibus, & singulis præsentibus, & futuris, cujuscumque statûs, gradûs, ordinis, præminentia, vel conditionis fuerint, intimamus, insinuamus, & ad omnium notitiam deducimus, & deduci volumus; per præsentem mandamus prædictâ auctoritate, & sanctæ obedientiæ virtute omnibus, & singulis supra dictis,

& ea omnia, & singula, quæmadmodum à nobis instituta sunt, observent, & observari faciant. In quorum omnium, & singulorum fidem, & testimonium præmissorum, præsentem litteras, sive præsens publicum instrumentum exindè fieri, & per Notarium publicum infrascriptum scribi, & publicari, nostrique sigilli jussimus, & fecimus appensione communiri. Datum Toleti sub anno à Nativitate Domini millesimo quingentesimo trigésimo quarto.



Capitulum in unum procedant sedes ve
 Capituli Presidentem nominant, ad præsentem
 penam quatuor ex antedictis, per electionem
 tam futuram per procuratorem ecclesie, præ
 sentem personam necesse non accipiant, electio au
 tem cupidi, in unum ecclesie corpus, in unum
 tur, congregando in unum, in unum Ca
 pitulum omnes, qui Capitulum, in præse
 nte.

STATUTORUM

PARS PRIMA.

CAPUT I.

Consonat Constitutio Hispal. Ecclesie cap. 3. fol. 58. & 59.

IN primis hæc Sancta Synodus statuit, & præcipit, ut quando aliquis in Prælatum hujus Metropolis, seu Provinciæ electus, ad capiendum suæ sedis possessionem personaliter, seu per procuratorem venerit, ante omnia bullas, seu litteras Apostolicas super præsentatione, per Regiam Majestatem desuper factâ expeditas, Decano, & Capitulo præsentet; qui postquam eas viderint, ac legitimas esse repererint; Capitulares omnes vocem, & suffragium in electionibus, juxta præfatum erectionem, habentes, ad Capitulum sequenti die habendum, citari, & vocari faciant; ut ibi de electi hujusmodi receptione, debitâ cum solemnitate faciendâ, deliberent. Et in eâ, postquam decreta fuerit, procedant sub hæc videlicet formâ.

§. I.

PRæbendati omnes, qui Capitulo, ut præferatur, congregando interfuerint, ab aulâ Capitulari ad ecclesiæ corpus exeant, ibique electum personaliter accedentem accipiant; electo autem hujusmodi per procuratorem accedenti, Præbendati quatuor ex antiquioribus, per ejusdem Capituli Præsidentem nominandi, ad ipsius aulæ Capitularis januam obviam procedant. Sedes ve-

rò in Capitulo diversimodè juxta venientis hujusmodi personæ qualitatem præparetur. Electo enim personaliter accedenti, faldistorium cum pulvinaribus, ac ceteris eum actum concernentibus, disponatur. Procuratori autem tapetum, sella, & pulvinar ad pedes collocetur. Electo præterea in eodem faldistorio Missale statuatur, ut præstandum ab eo juramentum præstet, & sub formâ sequenti.

§. II.

NOS P. Archiepiscopus de Mexico juramus per Deum, & hæc Sancta Dei Evangelia, quòd erectionem hujus Sanctæ Ecclesiæ Mexicanæ observabimus, & servari faciemus; consuetudines bonas, & approbatas ejusdem Ecclesiæ, in quantum non contrariantur prædictæ erectioni, Sacris Canonibus, & Sancti Concilii Tridentini decretis, & Provincialis Synodi Mexicanæ editis constitutionibus manu tenebimus, juraque nostræ dignitatis, & Ecclesiæ, Sponsæ nostræ in nullo infringere pro viribus conabimur. Semper præ oculis habentes verum Dei obsequium, & animarum profectum, prout ex debito nostræ Pastoralis sollicitudinis tenemur. Ita nos Deus adjuvet, & hæc Sancta Dei Evangelia.

§. III.

CUjusmodi juramentum procurator, & qui possessionem electi nomine capturus accesserit, præstare teneatur. Quo præstito, Capitulares omnes, nemine dempto, processione ordine

hymnum *Te Deum laudamus* sollempniter decantantes, præcedentibus tam ejusdem Ecclesiæ Cathedralis cruce, quam Parochialium, Monasticarum, Eremiticarumque ecclesiarum crucibus, unâ cum ipsarum Vicariis, Parochis, Ministris, ac universo Clero, qui ad hoc præveniri debent: electum ipsum sub umbraculo, seu baldachino per Dignitates, & in eorum defectum, per Præbendatos hujusmodi seniores ferendo, ad chorum usque comitentur. Quò cum perventum fuerit, crucibus, Clero, & Monachis prædictis ad chori fores detentis, Capitulares omnes electum adhuc sub baldachino procedentem, eodem ordine comitantes, chorum ingrediantur: eum denique electum in sede Episcopali, in signum possessionis, per duos ex Dignitatibus antiquiores beneficiatos collocent. Procuratorem verò duo per Præsidentem deputandi Capitulares, (sollemnitate, ac processione hujusmodi prætermittis) factâque in ipso actu demonstratione, quæ personam propriam à substitutâ distinguat, in eadem Archiepiscopali sede constituant. Quibus peractis, ordine, processione, ac formâ præmissis, ad locum Capituli iidem Capitulares revertantur; ibique electum in Archiepiscopali ejusdem Capituli sede, modo præscripto, collocent; ac tunc Decanus, vel qui in ejus absentia præ sederit, surgens à loco suo, & ad sedem eandem magnâ cum observantiâ, & reverentiâ accedens, flexis genibus, electo, ut præfertur, sedenti manum deosculetur, eoque signo ipsum in Dominum, Prælatum, &

Pastorem recipiat, ac eidem, ut tali, debitam præstet obedientiam; idemque ipsum modo, & formâ prædictis reliqui Capitulares, servato antiquitatis ordine, faciant. Quibus effectis, apertâ ejusdem loci Capitularis januâ, omnes beneficiati, Parochi, Rectores, Vicarii, Capellani, atque servientes, reliquus denique Clerus ibi repertus, similiter intrent, idemque recognitionis, & obedientiæ signum Prælato exhibeant.

§. IV.

PROCURATOREM verò, qui possessionem prædictam electi nomine capturus venerit, Decanus, & Capitulum, hymnum *Te Deum laudamus* similiter canentes, prætermittis baldachino, à loco Capituli ad chorum deducant, ipsumque primò in sede chori, ac deinde in sede Capituli Archiepiscopalibus sedere faciant: ibique in obedientiæ debitæ Prælato, cujus ille personam, & jurisdictionem gerit, recognitionem iidem Capitulares ordine suo cum decenti submissionis, & reverentiæ demonstratione ejusdem procuratoris, ut præfertur, sedentis manum suâ quisque manu dexterâ porrectâ contingant; porrectamque manum ad se volventes deosculetur, & hoc ipsum reliqui beneficiati, & Parochi cum toto Clero faciant.

§. V.

UT Prælatus, captâ per procuratorem possessione, debitâ cum sollemnitate recipiatur, Civitatem ingrediens, sequens forma servetur.

§. VI.

IN primis, Decanus, & Capitulum, omnes, & singulos Præbendatos, & Parochialium ecclesiarum Rectores, ac beneficiatos, Priores quoque, & conventus Religiosorum ejusdem Civitatis, ut die, & horâ ingressus prædicti cum suis crucibus de more convenient, præmoneri, citari, & vocari faciant; ac processionis ordine una cum ipsius Cathedralis Ecclesiæ cruce ingredienti Prælato obviam procedant.

§. VII.

PRiùs tamen idem Decanus, & Capitulum, & omnes clerici, qui ad hoc congregari poterint, suis mulis sedentes, præcedente ejusdem Capituli sceptrifero, sceptrumque suum manu gerente, debitâ ejus actûs conformitate, & ordinatione servatâ, extra Civitatem ad mediam leucam, vel eo minùs, ad Præsidentis arbitrium, progrediantur: & ipsi Prælato, cum ad eum pervenerint, eodem, quo procedunt ordine, singuli & reverentiam exhibeant, & illius manus deosculentur. Quo factò, omnes ad Ecclesiam, decedentibus ad processionem vestibis, præparandi, sine morâ redeant. Processionis autem hujusmodi initium omnes, tam ejusdem Cathedralis Ecclesiæ, quam reliquarum Parochialium, Monasticarum, & Eremiticarum ecclesiarum, hospitaliumque cymbala hilari sonitu prænuntient, & quandiu eadem processio duraverit, similiter pulsantur.

§. VIII.

Postquam ad Ecclesiam omnes pervenerint, Decanus, vel qui Præsidentis fuerit, pluviali indutus una cum duobus ministris Diaconi, & Subdiaconi habitum & insignia gerentibus, reliqui verò Præbendati pretiosioribus Ecclesiæ pluvialibus pariter ornati, processionis ordine, præviâ ejusdem Cathedralis Ecclesiæ cruce, præcipuam ipsius Ecclesiæ januam, quâ Prælato datur ingressus, egrediantur, sicque procedant, quousque crux eadem ad certum fori locum pretioso faldistorio decenter ornatum pervenerit; quo loco accedens Prælatus genibus flexus, eandem crucem, sibi per Præsidentem, ut præfertur, ornatum porrigendam deosculetur. Ad vitandam verò confusionem, antequam Prælatus multâ descendat, eadem processio ad Ecclesiam redeat, Præbendatis cum choro musicorum retrò manentibus, qui antiphonam, *Sacerdos, & Pontifex, &c.* in ordinario præscriptam concinant: & illâ cum reliquis necessariis pronuntiatâ, hymnum *Te Deum laudamus* alternatis versibus canentes, eodem processionis ordine, ad Ecclesiam regrediantur; in cujus ingressu idem Præsidentis, ut supra ornatus, aquæ benedictæ aspersionem Prælato, qui se, & circumstantes aspergat, illius manum deosculatus, offerat; deinde ad altare majus similiter ordinati procedant, ubi Prælatus super pavementum faldistorio coopertum, dum antiphona in ordinario descripta, cum versibus dicitur, genua flectat; quibus dictis Prælatus indè surgit,

& eisdem Capitularibus comitantibus, altare majus ascendat, ibique omnibus astantibus Episcopalem benedictionem impendat, & inde sollemnitate, cruce, & processione hujusmodi prætermisissis, domum suam, eisdem comitantibus, adeat.

CAPUT II.

De Loco Capitularium.

§. I.

QUoniam juxta constitutiones, & ordinationes, in hujus Archiepiscopatus, & Provinciae erectione conditas, quinque Dignitates, Decanus videlicet, Archidiaconus, Cantor, Scholasticus, & Thesaurarius; decem quoque Canonici, sex etiam integri, ac totidem dimidii Portionarii esse debent: ideo hæc Sancta Synodus decernit, & mandat, ut hi omnes in Capitularibus ipsorum congregationibus ordine infrascripto sedeant. In primis quidem Decanus ad sedis Prælato destinatae latus dextrum, & penes Decanum Cantor, ac tertio loco Thesaurarius, quinque deinde Canonici, tres postea integri, tres denique dimidii Portionarii, unus post alium, juxta tradita cuique possessionis prioritatem, considerant. Ad sinistrum autem ejusdem sedis Archiepiscopalis latus, primam Archidiaconus, secundam Scholasticus, quinque subinde Canonici, sex demum integri, & dimidii Portionarii se-

Constitutio Hispanensis fol. 48. & late consuet. Granatensis.

quentes successivè sedes, servato ejusdem antiquitatis ordine, teneant.

§. II.

STatuit præterea eadem Sancta Synodus, ut Dignitates, Canonici, integri, ac dimidii Portionarii prædicti, in quibuscumque officiorum, tam Divinum cultum, & horarum Canoniarum celebrationem, quam reliqua per Capitulares agenda negotia concernentium, distributionibus, ac deputationibus, ordine superius descripto, juxta cujusque antiquitatem, nullam prorsus habitam ratione, quo quisque chori latere dextro videlicet, an sinistro locum teneat, inter se præferantur.

§. III.

IN processionibus autem Presbyter celebraturus medius inter utrumque chorum incedat; ita ut Decanum quidem dextrorsum, Diaconum verò paratum sinistrorsum habeat. Quod si Decanus abfuerit, dextrum Diacono, sinistrum verò Archidiacono latus præbeat.

§. IV.

QUæ tamen procedere non intelligantur, quoties Capitularibus actibus, & processionibus hujusmodi Prælatus intervenerit. Nam juxta Supremæ Dignitatis, & potestatis ejus exigentiam (Sacrosancto Tridentino disponente Concilio) primum in choro, processionibus, & quibusvis aliis actibus locum, seu quam ipse capere, & eligere voluerit, sedem habere debet.

Sess. 25. cap. 6. verbo Episcopis de reformat.

De Decano, & ejus Præminentiiis.

§. I.

CUjusvis Cathedralis ecclesiæ hujus Archiepiscopatus, & Provinciæ Decanus. sacro Presbyteratus ordine insignitus existat; sin minus ad eam dignitatem minimè recipiatur; quàmvis enim in præinsertâ erectione hæc à Decano qualitas non requiratur, eadem tamen Sancta Synodus Provincialis Prælatos omnes, ut ubi, quando, & quomodo fieri potuerit, Sancti Concilii Tridentini exhortationem opere compleant, in primis admonet; omnibusque sibi ab hujusmodi erectione collatis facultatibus (nullâ exceptâ) fungens, declarat; quòd quoties officia, seu ministeria per Capitulares, tam in choro, quàm ad altare, ordine in tabulâ designando, peragenda, aliquibus Præbendatis committi contigerit, qui vel ea acceptare noluerint, vel semel acceptata, suis locis, & tempore præstare negligenter omiserint; tunc Decanus, non solum rebelles, & negligentes multare, sed etiam officia, vel ministeria per eos omissa, aliis committere (habitâ officii, seu ministerii hujusmodi, ac Præbendati, cui commissum fuerat, defectusque, & negligentia ratione) possit, ac debeat.

Sess. 24. c. 12.
verbo hortatur
etiam.

2. q. 20. c. 12.
exponebat etiam
debet etiam

§. II.

INsuper ad Decanum, quamdiù in Civitate fuerit, & non ad aliquem alium Capitularem, eosdem Capitulares ad extraordinarium Capitulum (quod non nisi in gravibus negotiis, quæ ordinarium Capituli diem expectare non possint, fiat sub justâ, & rationabili pœnâ) citare, & convocare pertineat; quoties autem similia occurrerint, Decanus brevem negotii, seu negotiorum tractandorum rationem sceptrigerò, qui eandem Capitularibus exponat, in scriptis tribuat. Quòd si negotia hujusmodi talia fuerint, quæ, ut præfertur, explicari non debeant, tunc Capitulares ad gravia negotia vocari, dixisse sufficiat; quod hæc Sancta Synodus ipsius Decani, vel ejus, qui, absente eo, Præsidentia munus obièrit, prudentiæ committit, juxta hujus Sanctæ Synodi decreta in Sacrosancti generalis Concilii Tridentini obedientiam, & conformitatem edita.

Constit. Hispal.
fol. 50.

Sess. 25, cap. 6.

§. III.

ADeumdem similiter Decanum negotia in Capitulo tractanda proponere spectet. Illo verò negotium quodvis sibi per aliquem ex Capitularibus insinuatim proponere nolente, vel differente, illud ipsum, hæc decernente Synodo, quicumque Capitularis, petita priùs à Capitulo licentiâ, proponere possit; id verò Decano, vel Præsidente hujusmodi impedire conante, datis ibi sine ullâ scandali notâ suffragiis, quod pars Ca-

pituli major deliberaverit, hoc fiat, & observetur.

§. IV.

UT autem debitus in choro, & acibus Capitularibus ordo teneatur, sitque semper, qui absente Decano, præsideat, & regat, eadem statuente Synodo, declaratur, ut absente Decano, Archidiaconus: hoc verò deficiente, Cantor: in hujus autem absentia, Scholasticus; in cujus defectum Thesaurarius in præsentia succedat: absentibusque Dignitatibus, Canonicus, vel Præbendatus antiquior ubique præsideat.

§. V.

STatuit tamen, & ordinat eadem Sancta Synodus, ut nullus ex Capitularibus, quamvis absente Decano, præsidere valeat, nisi quandiu sede suâ eminenti sederit, præsentia munere fungatur. Declarat nihilominus, hoc statuto, Decanum, cui juxta præmissæ erectionis tenorem præsidendi in choro dignitas, & præeminentia competit, non comprehendi; sed ipsum in quovis chori loco existentem præsidere posse; extra chorum tamen hujusmodi, quamvis in ecclesia existat, non præsidere. Decani autem defectus, vel excessus, si quos ille in suo officio commiserit, per Capitulares plenè congregatos, habitâ loci, ac dignitatis ejus debitâ ratione, in Capitulo advertantur, & corrigantur.

CAPUT IV.

De Archidiacono.

§. I.

Quilibet, tam Metropolitanæ, quàm cujusvis in hac Provinciâ constitutæ Cathedralis ecclesiæ Archidiaconus, qui vel in altero Jurium, vel in Theologiâ saltem Baccalaureus graduatus esse debet, quæcumque sibi per suprainsertam erectionem concessa, & declarata sunt, præstare, & exercere potest. Prælati tamen, cum potuerit, Sancti Concilii Tridentini exhortationem opere compleri faciat.

Sess. 24. c. 12.
verbo Archidiacon. de reform.

CAPUT V.

De Cantoris officio, ac Dignitate.

§. I.

Cantori verò præter ea, quæ in præfatâ erectione præcipiuntur, & injunguntur, cujuslibet hebdomadæ tabulam, seu matriculam ab omnibus observandam præscribere, seu præscribi facere, & quæ quibusque hebdomadæ diebus recitanda, celebranda, seu dicenda sint animadvertere, tam Dignitatibus, & Canonicis Missas, quàm integris, ac dimidiis Portionariis evangelia, passiones, epistolas, lectiones, ac lamentationes, quàm etiam Capparum gestationem, servato antiquitatis ordine, & habitâ officiorum hu-

Constit. Hispal.
fol. 53.

jusmodi alternatione, committere per novam hujus Sanctæ Synodi declarationem deinceps incumbat.

§. II.

AD cujus etiam, vel ejus locum tenentis, Succentoris officium, introitorum versus, alleluja, responsoria, antiphonas, prophetias, ac cerei Paschalis benedictionem, per præfixum in matriculâ, seu tabulâ hujusmodi distributionis ordinem commendare; Capellanos prætereâ servientes, & chori ministros, qui tamen omnes eidem reverenter obedire tenentur, circa debitam Divino cultui, ac sacris officiis decentiam, & compositionem deficientes, aut negligentes corrigere pertineat: Cantori autem in præmissis deficienti, vel excedenti, justam pro culpæ modo, attentâ ejus Dignitate, correctionem in Capitulo, vel extra illud Decanus adhibeat.

CAPUT VI.

De Scholastici Dignitate.

§. I.

QUAMVIS juxta præcissam præscriptæ erectionis formam, Scholasticum, vel in altero Jurium, vel in Artibus Baccalaureum esse sufficiat, hæc tamen Sancta Synodus Provincialis Sacrosancti Concilii Tridentini (cui se conformat) dispositionem exactè in posterum præcipit observari, eidemque Scholastico in primis injun-

Sess. 23. c. 18.
verbo de cetero
de reformat.

Ex Constit. His-
pal. fol. 56.

git, ut, quoties illi à Capitulo commissum fuerit, quascumque ejusdem Capituli nomine litteras, seu epistolas notet, scribat, easque solito Capitulo sigillo in capsâ sub tribus clavibus, quarum una penes Decanum, vel ejus loco præsentem, altera penes eundem Scholasticum, ac tertia penes ipsius Capituli Secretarium existat, servando, sigillet; quibus eadem Sancta Synodus etiam mandat, ut non nisi indubitatas, ac totius, vel majoris, saniorisque partis Capituli fide, ac testimonio probatas litteras, ex quibus nullum Prælato, seu Capitulo damnum, vel præjudicium obvenire posse credatur, sigillare præsumant, aut sigillent. Hujus autem mandati transgressores debitæ punitionis rigori subjaceant.

CAPUT VII.

De Thesaurario.

§. I.

THESAURARIUS, cui tam quæ in prædictâ erectione, quam quæ in hujus Sanctæ Synodi Cæremionali, & decretis ordinata reperiuntur, incumbunt, ea pariter cum sequentibus observet, ac præstet. Pro candelarum benedictione die Purificationis Beatæ Mariæ faciendâ, ceræ quantitatem, ac distributionis formam à Prælato simul cum Decano, & Capitulo præscribendam teneat. Quæcumque reliquiaria, reliquias, ornamenta, aurum, argentum, aliaque Ecclesiæ bona, quæ

pro tempore empta, restaurata, & constituta fuerint, sub expresso rei cuiusque pondere, valore, dispositione, & qualitate sibi per inventarium consignanda recipiat. Coadjutores quoque suos Sacristas idoneam pro iis, quæ receperint, cautionem ad eorundem Prælati, & Capituli beneplacitum præstare faciat.

CAPUT VIII.

De Canonicis.

§. I.

CUjuscumque sub hoc Archiepiscopatu, & Provinciâ constitutæ Cathedralis ecclesiæ Canonici qualitates in suprâ memoratâ erectione præscriptas habeant; curent tamen diligenter Prælati, ut ubi, & quando commodè fieri potuerit, juxta Sancti Concilii Tridentini dispositionem, saltem dimidia eorum pars, vel in Sacrà Paginâ, vel in jure Canonico Doctores, aut Magistri, aut Licenciati existant; quibus Missas conventuales, exceptis iis, quæ ad Dignitates pertinent, secundum Breviarii, & Missalis ex ejusdem Concilii Tridentini decreto editorum formam; tabellæ quoque desuper ordinandæ, ac Cæremonialis, per hujusmodi Sanctam Synodum Provinciale constituti, ab omnibus, quos illud concernet, respectivè observandi, dispositionem, & ordinem, dicere incumbat.

Sess 24. c. 12.
verbo hortatur
de reformat.

CAPUT IX.

De Integris, ac dimidiis Portionariis.

§. I.

Integri, ac dimidii Portionarii qualitatibus in præmissâ erectione memoratis ornentur, & injunctis ab eadem muneribus singuli diligenter incumbant. Circa suffragia verò per eos, in quibusvis actibus, & congregationibus Capitularibus ferenda, tam præfatæ erectionis, quàm litterarum executoriarum in contradictorio judicio desuper expeditarum ordo, & forma servetur.

§. II.

QUI omnes Dignitates, Canonici, integri, ac dimidii Portionarii, Capitulares suprâ re-
lati præbendas suas per quotidianas distributiones, juxta ejusdem erectionis dispositionem, pro parte singulis eorum assignatâ, tam in fructuum decimarum redditibus, quàm in anniversariorum, funerum, & aliorum manualium, & obventionum emolumentis lucentur.

CAPUT X.

De Decimarum partibus ad Prælatum, Capitulum, Fabricam, Hospitale, & Servientes pertinentibus.

§. I.

AD tollendum omne dubium, litesque, ac dissensiones, quæ in reddituum divisione, ac distributione oriri possent, hæc Sancta Synodus ordinat, declarat, & mandat, ut tam de quartâ Prælatum tangente, quàm de aliis partibus ad Capitulum, fabricam, hospitale, Regiam Majestatem, servientes, & officiales spectantibus, id omnino fiat, quod præfata erectionis ordinationes, & statuta disponunt. Quæ fundamentalis quidem, & quasi primaria lex esse debet, quâ omnes, & singulæ hujus Archiepiscopatus, & Provinciæ Cathedrales ecclesiæ, absque ullius rei defectu, vel excessu regantur, & gubernentur.

CAPUT XI.

De Formâ in admittendis ad possessionem Præbendatis habendâ.

§. I.

QUando aliquis, Dignitas, Canonicus, vel Portionarius, (qui Regiæ Majestatis præsentationem, & Ordinarii collationem, ac

factæ per eum juxta Sancti Concilii Tridentini formam, Fidei professionis certificationem habeat) noviter admittendus accesserit: Decanus, si in Civitate fuerit, sin minus, chori Præsidentis ad tradendum personæ sic accedenti, ejus, quam petit, Præbendæ possessionem, Capitulares ad Capitulum per diem antè vocari, præcipiat.

§. II.

DEindè Capitulares omnes, per eorum sceptrigerum (qui qualiter eos, qui in Civitate fuerunt, vocaverit, fidem faciat) convocati, & in Capitulo, prout de usu, & consuetudine habent, congregati, Præbendandum hujusmodi ad locum Capituli ingredi jubeant, qui stans in medio aulæ Capitularis nudo capite, omnibus interrim Dominis Capitularibus sedentibus, & cooperitis capitibus, hæc, vel similia verba proferat.

§. III.

REGIA Majestas me ad talem præbendam, hujus Sanctæ Ecclesiæ, per promotionem, aut obitum talis N. ultimi illius possessoris vacantem, dignata est præsentare, cujus collationem, seu canonicam institutionem mihi Illustrissimus Dominus N. vel ejus Vicarius fecit. Dominationi vestræ supplico, ut me ad illius possessionem admittat, nam quantum in me fuerit, huic Sanctæ Ecclesiæ, & in eâ Dominationi vestræ servire curabo.

Sess. 24. c. 12.
de reformat. &
motus Pii IV.

Ex consuetâ
Granatens.

HÆC loquutus, jurium suorum litteras, & documenta penes Secretarium Capituli præsentet, ac locum Capitularem egrediatur. Capitulares verò postquam præsentationem, institutionem, seu collationem, reliquasque litteras, & documenta hujusmodi (præviâ desuper opportunâ consultatione) viderint, & examinaverint, an tradenda sit illi possessio, nec ne, solita suffragia ferant, ac de possessionis traditione deliberato, duo commissarii, Dignitas (videlicet) & Canonicus nominentur, per quos ipse accedens, à Secretario Capituli admonendus, superpellicio, & juxta temporis infrâ dicendi exigentiam cappâ chori indutus, ad capiendum sedis suæ possessionem in chorum deducatur: quâ ibi captâ, ad Capitulum reducat, similem in eo Fidei professionem sub juramento facturus, quam coram Prælato, vel ejus Vicario fecerit, cum canonicam ejus Præbendæ institutionem sibi ab eo fieri obtinuit: ac proindè coram Decano, vel in ejus locum Præsidente, flexis genibus, manibusque super Missali positis, constituatur, & juxta Sancti Concilii Tridentini dispositionem, ac motûs proprii felicis recordationis Pii Papæ IV. tenorem juret, & profiteatur in formâ sequenti.

Scss. 24. c. 12.
& motus pro-
prius Pii IV.

EGO N. firmâ fide credo, & profiteor omnia, & singula, quæ continentur in Symbolo Fidei, quo Sancta Romana Ecclesia utitur, vide-

licet, Credo in unum Deum, Patrem Omnipotentem, Factorem Cæli, & Terræ, visibilium omnium, & invisibilium; & in unum Dominum Jesum Christum Filium Dei Unigenitum, & ex Patre natum ante omnia sæcula: Deum de Deo, Lumen de Lumine, Deum verum de Deo vero; genitum, non factum, consubstantialem Patri, per quem omnia facta sunt. Qui propter nos homines, & propter nostram salutem descendit de cælis. Et incarnatus est de Spiritu Sancto ex Mariâ Virgine: Et homo factus est. Crucifixus etiam pro nobis: sub Pontio Pilato passus, & sepultus est. Et resurrexit tertiâ die, secundum Scripturas. Et ascendit in Cælum: Sedet ad dexteram Patris. Et iterum venturus est cum gloriâ judicare vivos, & mortuos, cujus Regni non erit finis. Et in Spiritum Sanctum Dominum, & vivificantem: Qui ex Patre, Filioque procedit. Qui cum Patre, & Filio simul adoratur, & conglorificatur: qui locutus est per Prophetas. Et unam Sanctam Catholicam, & Apostolicam Ecclesiam. Confiteor unum Baptisma in remissionem peccatorum. Et expecto resurrectionem mortuorum. Et vitam venturi sæculi. Amen.

Apostolicas, & Ecclesiasticas traditiones, reliquasque ejusdem Ecclesiæ observationes, & constitutiones firmissimè admitto, & amplector.

Item, Sacram Scripturam, juxta eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Sacrarum Scripturarum, admitto. Nec

eam unquam, nisi juxta unanimum consensum Patrum accipiam, & interpretabor. Profiteor quoque septem esse verè, & propriè Sacramenta novæ legis à Jesu-Christo Domino nostro instituta, atque ad salutem humani generis, licet non omnia singulis, necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium. Illaque gratiam conferre, & ex his Baptismum, Confirmationem, & Ordinem sine sacrilegio reiterari non posse.

Receptos quoque, & approbatos Ecclesiæ Catholicæ ritus in suprâ dictorum Sacramentorum sollemni administratione, recipio, & admitto.

Omnia, & singula, quæ de peccato originali, & de justificatione in Sacrosanctâ Synodo Tridentinâ diffinita, & declarata fuerunt, amplector, & recipio.

Profiteor pariter in Missâ offerri Deo verum, proprium, & propitiatorium sacrificium pro vivis, & defunctis; atque in Sanctissimo Eucharistiæ Sacramento esse verè, realiter & substantialiter corpus, & sanguinem, unâ cum humanitate, & divinitate Domini nostri Jesu-Christi; atque conversionem totius substantiæ vini in sanguinem; quam conversionem Catholica Ecclesia transubstantiationem appellat. Fateor enim sub alterâ tantum specie totum, atque integrum Christum, verumque Sacramentum sumi.

Constanter teneo Purgatorium esse, animasque ibi detentas fidelium suffragiis juvari. Si-

militer, & Sanctos unâ cum Christo regnantes venerandos, atque invocandos esse; eosque orationes Deo pro nobis offerre, atque eorum reliquias esse venerandas, firmiter assero. Images Christi, ac Deiparæ semper Virginis, nec non aliorum Sanctorum habendas, & retinendas esse; ac eis debitum honorem, & venerationem impartiendam. Indulgentiarum etiam potestatem à Christo in Ecclesiâ relictam fuisse; illarumque usum Christiano Populo maximè salutarem esse, affirmo. Sanctam Catholicam, & Apostolicam Romanam Ecclesiam, omnium Ecclesiarum Matrem, & Magistram agnosco. Romanoque Pontifici, Beati Petri Apostolorum Principis Successori, ac Jesu-Christi Vicario veram obedientiam spondeo, ac juro. Cetera item omnia à Sacris Canonibus, & Œcumenicis Conciliis, & præcipuè à Sacrosanctâ Tridentinâ Synodo tradita, diffinita, & declarata, indubitanter recipio, atque profiteor. Simulque contraria omnia, atque hæreses quascunque ab Ecclesiâ damnatas, & rejectas, & anathematizatas, ego pariter damno, rejicio, & anathematizo.

Hanc veram Catholicam Fidem, extra quam nemo salvus esse potest, quam in præsentî sponte profiteor, & veraciter teneo, eandem integram, & immaculatam, usque ad extremum vitæ spiritum constantissimè, Deo adjuvante, retinere, & confiteri, atque à meis subditis, seu illis, quorum cura ad me in meo munere spectabit, teneri, doceri, & prædicari, quantum in me erit, curatu-

rum. Ego idem N. spondeo, voveo, ac juro. Sic me Deus adjuvet, & hæc Sancta Dei Evangelia.

§. VI.

QUI præterea Præbendatus, ad Præbendæ hujusmodi possessionem admissus, singulari se jurejurando astringere teneatur, in formâ sequenti.

Ego N. hujus Almæ Ecclesiæ juro per hæc Sancta Dei Evangelia, quod ab hæc horâ inantea obediens ero omnibus constitutionibus, statutis, & consuetudinibus laudabilibus prædictæ Sanctæ Ecclesiæ; easque in omnibus, & per omnia observabo. Contra eas, & jura dictæ Ecclesiæ directè, vel indirectè scienter non me opponam. Juramenta, & secreta Capituli nemini pandam. Veram obedientiam, & reverentiam jure debitam Illustrissimo, & Reverendissimo Domino hujus Sanctæ Ecclesiæ Præsuli, exhibebo. Honorem, & utilitatem dictæ Ecclesiæ in omnibus, & per omnia procurabo. Conspiraciones, * monopodia, & conventicula, tum contra Reverendissimum Dominum Antistitem existentem, & futuros successores ejus canonicè intrantes, tum contra Capitulares, & beneficiatos fratres meos, & eorum aliquem non procurabo: & quod in assequitione hujus Præbendæ non intervenit fraus, dolus, aut illicita pactio, vel simoniæ labes directè, vel indirectè. Sic me Deus adjuvet, & hæc Sancta Dei Evangelia.

Fortè monopodia.

§. VII.

HIS peractis, ambo Domini Capitularis, commissarii, ut præfertur, nominandi, si Præbendatum hujusmodi ad chorum non deduxerant, deducant, eundemque in ipsâ Dignitatis, Canonicatus, vel Portionis, in quâ successerit, sede in signum possessionis collocent, ibique in libro legere, servatis omnibus sollemnitatibus necessariis, & opportunis, faciant. Quem deinde ad idem Capitulum redeuntem similiter comitentur, & in Capitulari sede illi debitâ, constituent. Ipsumque denique Capitulares omnes in signum fraternitatis, ad amplexum, & pacis osculum accipiant, eique de omnibus, & singulis fructibus, redditibus, proventibus, & emolumentis ad eam Præbendam pertinentibus, integrè respondere mandent: & publicum de præmissis omnibus instrumentum petenti, confici, ac dari, decernant.

CAPUT XII.

De modo ad hoc, ut Præbendati noviter recepti sciant Cæremonias, servando.

EXpedit plurimum, ut Præbendati in iis maxime, quæ sibi circa Divini cultus ministerium, & præbendarum suarum servitium agenda sunt, optimè instructi existant. Idcirco eadem Synodo statuente, decernitur, & ordinatur, ut quilibet Præbendatus, cum primum receptus fue-

Const. Hispal. c. 11. fol. 78.

rit, non solum ordinum suorum caeremonias in Missali ex decreto Sancti Concilii Tridentini edito, praescriptas; sed eas, quae officii Divini recitationem, chori quoque cantum, & ordinem concernunt, frequenti horum statutorum, & Caeremonialis nostri lectione, addiscat, & calleat. Ad quod etiam per caeremoniarum Magistrum (ex hujus Sanctae Synodi Provincialis simili decreto deputandum) in titulo de celebratione Missarum examinatur. Nec prius in eis, ac debito Praebendae suae officio sufficienter instructus esse credatur, quam ejusdem caeremoniarum Magistri fide, ac testimonio probetur. Quod si sex mensibus a die captae per eum possessionis elapsis, caeremonias, ac debitum Praebendae suae ministerium ignoraverit, & negligens in addiscendo fuerit, ad id a Praelato, cujus in hoc conscientia oneratur, per rigorem opportunum, usque ad beneficii suspensionem, & fructuum privationem, compelli possit, & debeat.

CAPUT XIII.

De iis, quae Praebendati, & alii Ministri in Divini Cultus ministerio, ac Beneficiorum, Officiorumque suorum exercitio agere debent.

§. I.

Circa Officium
in choro exercen-
dum pie sanxit

Quoniam opportunus Praebendarum, & Beneficiorum, in Cathedralibus, ac Paro-

chialibus ecclesiis existentium usus in eo consistit, ut Praebendati, ac beneficiati hujusmodi, juxta Breviarii, Missalisque Romani dispositionem, sacras caeremonias cum decentia, honestate, ornatu, eaque quae Dei Ministros decet conformitate, observent, ac teneant: statuit propterea, & praecipit haec Sancta Synodus, ut omnes hujus Archiepiscopatus, & Provinciae Praelati, Cathedraliumque, & Parochialium ecclesiarum Capitula, Parochi, Vicarii, beneficiati, & ministri, quaecumque ad hunc finem in Caeremoniali, ac praesentibus statutis ex ejusdem Sanctae Synodi Provincialis decreto editis, ordinata, statuta & decreta sunt, sub poenis in eis contentis, inviolabiliter custodiant, & exequantur.

CAPUT XIV.

Qualiter omnes Cathedralium ecclesiarum Praebendati certis anni temporibus Cappas Chori gestare debent.

§. I.

CUM in Cathedralibus Hispaniae ecclesiis per sanctas constitutiones receptum, & observatum reperitur, ut omnes illarum Praebendati certis anni diebus superpellicii induti cappas nigri coloris ad chorum destinatas superinduantur, idemque in hoc Archiepiscopatu, & Provincia laudabili semper consuetudine invaluerit; & quae

Conc. Milan. 5.
tit. quae ad Divi-
no Officia perti-
nent.

Const. Hispal.
c. 12. fol. 80.
Sanctiago c. 3.
Cons. de Granat.
Conc. Limens. 2.
anni 1567. cap.
63. fol. 16. 2.
pag.
De origine, &
fundamento ha-
rum Capparum, quae vulgo vo-

cantur (capa de Coro) loquitur Ioann. Trullo in regul. Canonice, regul. lib. 1. c. 12. n. 6. & 7.

in Metropolitanis, præcipuisque regnorum Castellæ ecclesiis usu, & observantiâ vigent, maxime deceat in his etiam partibus immutabili constitutione servari: idcirco hæc Sancta Synodus omnibus, & singulis Præbendatis hujusmodi ordinat, ac præcipit, ut ad horas Canonicas, Missas, processiones, Divinum officium, & quotiescumque præviâ sublimi cruce capitulariter processerint, superpellicis ornati prædictas chori cappas gestare teneantur, diebus nimirum, & formâ sequentibus.

§. II.

IN primis, ad vespervas commemorationis defunctorum Capitulares omnes Christianâ (quæ ipsos decet) majestate, atque modestiâ compositi, processionis ordine chorum exeuntes, præcedente eorum sceptrigero, ad sacristiam, ut ibi suâ quisque cappâ induatur, accedant; ac deinde cappis hujusmodi induti, simili processionis ordine ad chorum redeant, in eoque vespervas defunctorum exordiantur, à quo die usque ad Sabbatum Sanctum exclusivè eisdem cappis utantur, præterquam ad primas vespervas, & per totum diem cujuslibet infrascriptarum festivitatum, eo tempore occurrentium, quæ sunt.

§. III.

Nativitas Domini, incipiendo ab ejus vigiliâ, cum duobus sequentibus diebus Sanctorum Stephani Protomartyris, & Joannis Evangelistæ.

Circumcisio } DOMINI
Epiphania }

Purificatio }
Assumptio } BEATÆ MARIE.
Conceptio }
Præsentatio }
Expectatio Partûs }

Festa Sanctorum Apostolorum {
Andræ.
Thomæ.
Mathiæ.

Translatio Corporis S. Jacobi Apostoli, Patroni Hispaniarum.

Festum S. Josephi, Patroni Novæ Hispaniæ, cum die octavâ.

Festum S. Thomæ Aquinatis.

Dominica Palmarum ad processionem tantum.

§. IV.

Cappæ verò per Præbendatos, ut præfertur, gestandæ, ex laneo stamine subtili, quod vulgò *Anascote*, seu *Burato*, dicitur, aut quavis aliâ non inhonestâ telâ nigri coloris efficiantur, prætermisissis curiositatibus, fulcimentis, *Aforros* nuncupatis, præterquam in cucullo, & oris anterioribus, quæ (ut moris est) aut raso, aut bombycino serico fulciri possint: quibus etiam cauda honestæ longitudinis accedat, quæ, nisi in processionibus, comitatibus, & actibus publicis, in quibus demitti & extendi solet, plicata semper fe-

ratur. Capitularis autem, qui præsignatis diebus in assistentiâ Divini officii cappâ hujusmodi usus non fuerit, processiois, & actûs, in quo sic defecerit, emolumenta, & fructuum distributionem, quam aliâs lucraturus erat, amittat; ac si contumacia creverit, mulctatio quoque convenienter crescat: super quo Præsidentis in choro conscientia oneratur.

CAPUT XV.

De respectu, & obedientia debitâ Præsidenti, ac de ejus officio.

§. I.

SI, dum Divina peraguntur officia, Præsidentis, cui in rebus tunc occurrentibus necessaria, & opportuna providere incumbit, debita non deferatur obedientia, omnis procul dubio celebrationis ordo, non sine magno Christiani populi scandalo confundetur. Quapropter hæc Sancta Synodus statuit, & mandat, ut omnes beneficiati, capellani, cantores, & chori ministri, ejusvis status aut conditionis existant, Præsidenti in his, quæ circa Divina officia mandaverit, absque ullâ prorsus excusatione, aut repugnantia pareant. Si quis autem (quod absit) verbo, aut alio quovis modo Præsidenti non obtemperaverit, arbitrio Capituli, habitâ inobedientiæ, & scandali ratione, ab eodem Præsidente mulctetur; cui tamen

Ex consuetâ
Granat. c. 27.
& 28.

eadem Sancta Synodus in primis injungit, ut quæcunque agenda sint, modestis, & ab injuriâ alienis verbis maturè discernat, atque præcipiat. Quod si hæc in parte idem Præsidentis nimis excesserit, res ad Prælatum (ut de opportuna emendatione, ac remedio provideat) deferatur.

§. II.

Præsidentis matutino tempore, priusquam ad primam pulsari finiatur, ad ecclesiam veniat, ejusque munditiam, tum in altaribus, tum in choro, qui quotidie verri, ac æstivo tempore etiam rigari debet, tum quoque in sedibus per ejusdem chori pueros in tabulâ designandos, etiam quotidie, tergendis diligenter inspiciat. Deinde chorum primus omnium ingressus, antequam incipiantur officia, ad aliorum exemplum, juxta sedem suam genua flectat, & Punctatorem ad primam chori sedem genibus flexum existere, ac omnes cum silentio intrare, genua flectere, ac superscriptis cæremoniis uti procuret. Galerum, aut ligneos calceos, aut quemvis alium indecentem habitum gerentes choro prohibeat. Neminem, nisi superpellicio indutum, aut chorum ingredi, aut inter chorum, & altare majus, dum Divina officia celebrantur, transire permittat; & in univsum, suum quemque munus, & officium, tam in choro, quam in Ecclesiâ, quàm etiam ubicumque Capitulum convenerit, præstare, prout æquum est, faciat. Silentium denique, à quo decens, vel

indecens chori ministratio pendet, ab omnibus servari, loquentes monendo, ac in ipso rationum tempore horarum emolumenta iis, quos propter defectus huiusmodi multaverit, deduci videndo super omnia intendat. Ac proinde suam quemque tenere sedem, veritatem unius loci in aliam migratione, præcipiat; ita ut quantum chori capacitatis permiserit, singulis beneficiatis singulae sedes, hinc inde vacent, quo silentii fiat observatio faciliior, & chori plenitudo major appareat. Quemcumque ab alio discedere, utpote colloquentem, aut aliam ex causa jusserit, eundem non obtemperantem unius horæ multet emolumentis. Ad hymnum *Te Deum laudamus* psallentes choro contineat, ne ipsum solum ibi manere contingat. Duo quoque scamma tapetibus strata, pro sacris concionibus audiendis, antequam incipiatur prima; unum verò simili tapete ornatum ante horam vespertinam, quoties in eis futuri sunt cappigeri, afferri, & opportuno tempore apponi faciat. Patentes ecclesiae fontes, singulis diebus Dominicis mundari, & aquam benedictam (quæ eisdem singulis Dominicis diebus benedicatur) semper continere provideat: ac suis omnibus officiis, quando, & quomodo oportet, incumbere, accuratè præcipiat. Egre diendi denique chorum iis dumtaxat, qui juxta præscriptæ erectionis tenorem urgenti aliqua necessitate laboraverint, licentiam concedat.

CAPUT XVI.

De iis, quæ cæremoniarum Magister erga ingredientes chorum præstare tenetur.

§. I.

Cæremoniarum Magistro personis, tam secularibus, quam aliarum Cathedralium ecclesiarum Capitularibus, quibus ex Sanctæ hujus Synodi permissione chorum ingredi licet, obviam exire, easque ad locum ubi sessuræ sint, quæ decet modestiâ, urbanitate, ac reverentiâ comitari, & in earum sedibus collocare, incumbat. Difficultatem verò, seu dubitationem (siqua in hoc rerum genere orta fuerit) idem cæremoniarum Magister cum Prælato, & in ejus absentia cum Præsidente pro tempore existenti conferat, ut quid potissimum agendum sit, decernatur, decretumque Magister huiusmodi sine aliquo defectu perficiat.

§. II.

QUI tamen, si vel in loci assignatione, vel in cujusvis alterius rei executione arbitrio suo quidvis aliud egerit, vel in aliquo defecerit, ejusdem Præsidentis judicio multetur. Cum autem, nisi cæremoniarum Magistro in ejus officio ab omnibus pareatur, convenientem Divini cultus ordinem confundi oporteat: idcirco hæc Sancta Synodus, quoscumque hujus, & aliarum Cathedralium ecclesiarum Novæ Hispaniæ Prælatos nunc, & pro tempore existentes hortatur in

Ex Ecclesiâ
Compostelanâ à
c. 17. usque ad
c. 22.

Domino, ut quotiescumque per cæremoniarum Magistrum de aliquâ cæremoniâ, vel laudabili consuetudine servari debitâ admoniti fuerint, eundem benignè suscipiant, ac ejus animadversionem opere exequantur: ut & ipsi suis decenter officiis respondeant, & suo alios exemplo ad obediendum eidem cæremoniarum Magistro moveant. Reliquis autem omnibus beneficiatis, capellanis, & ministris Ecclesiasticis injungit, ac præcipit, ut ipsum cæremoniarum Magistrum in ejus officio venerentur, eique morem gerant. Qui ex suprâ dictis contrâ fecerint, primò unius horæ, secundò integri diei, ac tertio unius hebdomadæ emolumentis mulctentur.

CAPUT XVII.

De Ordine per Capitulum capitulariter egrediens servando.

§. I.

Ex Eccles. Compostel. c. 28.

Quando Prælati, & Capitulum aliquam ecclesiam, vel monasterium, vel eremitorium processions ordine adiverint, sollemniter exire, & procedere, ac Divinis officiis ordine, atque silentio servatis assistere debeant: ut & sacrorum rituum, quibus utuntur, decentiæ satisfaciant, & quò magis totius Populi oculis exponuntur, eò majora Ecclesiasticæ honestatis documenta perhibeant. Proinde hæc Sanctâ Synodo decernente statuitur, & ordinatur, ut quoties Ca-

pitulares ab ecclesiâ processions ordine, sive voti, sive funeris gratiâ, quomodolibet exierint; superpellicis ornati, ac pro temporis per hæc statuta superius designati exigentiâ, cappis etiam superinduti, Capellanis similiter, & ministris superpellicia gerentibus, incedant. Quòd si celebrandi alibi causâ, Capitularis processio fiat; pretiosioribus ornamentis ex conveniente eidem festivitati colore, Presbyter quidem albâ, & pluviali indutus, solitoque birreto contactus, usque ad celebrationis hujusmodi locum, ubi planetam accipiat; ministri verò albis, dalmaticisque præparati procedant. Si verò post meridiem hujusmodi processions ordo sit futurus, Presbyter, ac ministri præscriptâ formâ decorati progrediantur. Cantores quoque, ac tibicines semper, ut solent (nisi aliud processio postulaverit) intersint. Omnes autem ordine suo euntes, ac Divinis officiis assistentes, & debitis cæremoniis, & opportuno silentio utantur: qui verò, cum collateralibus colloquutus fuerit, vel nutibus, ac signis luserit, aut alias quomodolibet contra præmissa fecerit, Præsidentis arbitrio mulctetur.

§. II.

ET quoniam ratio postulat, ut Capitulum competentem locum, ac sedem habeat, ubi Divinis officiis assistere possit, eadem Sancta Synodus cæremoniarum Magistro decentem hujusmodi locum prævidendi; ac majori Sacristæ, ut scamna, & tapeta, ubi Capitulum ordine suo se-

deat, & Divinis officiis intersit (ita ut neque in his, neque in aliis sedibus die Corporis Christi, & illius octavis apponi solitis, aliquæ seculares; vel etiam Ecclesiasticæ personæ sedere præsumant) deferri faciat, præcipiendi curam in primis injungit.

CAPUT XVIII.

De Magistri Capellæ officio, & Cantoribus.

§. I.

EXperientiâ quotidianâ satis constat, quantum oporteat chori ministros, & cantores à capellæ Magistro sufficienter instrui, & quæ unoquoque die cantu figurato canenda sint, ordinato ad id facistorio prævideri, ut Divinorum officiorum sollemnitas digno semper honore celebretur. Quapropter necesse est, ut idem capellæ Magister, tam præmissis, quàm aliis infrascriptis ad ejus officium ex hujus Sanctæ Synodi decreto spectantibus, operam suam diligenter impendat.

§. II.

IN primis, ut singulis non feriatis diebus statim post primam, quousque pulsari sinatur ad Missam, in loco intra ecclesiam ad id specialiter designando, scholam ad omnes tam beneficiatos, quàm reliquos cantores, & ecclesiæ ministros, atque servientes eò accessuros in cantu figurato, &

Ex Eccles. Compostel. à c. 24. & ex Consuet. Granat. c. 31.

contrapuncto docendum, & instruendum tempore, quo alia cantus firmi lectio per Succentorem habenda non impediatur, habere debeat. Quoties autem, nisi ex causâ infirmitatis, vel absentiæ à Civitate de Prælati, & Capituli licentiâ factæ, defecerit, juxta culpæ modum Præsidentis arbitrio mulctetur. Quandiu verò abfuerit, vel ægrotaverit, aliquem ex cantoribus, judicio Præsidentis magis idoneum, qui in ejus locum prælatæ lectioni sine defectu præsit, substituat. Cui etiam eadem Sancta Synodus injungit, ut quæ diebus festivis præcipuè sollemnioribus, ac majoris hebdomadæ officiis, Nativitatis quoque Domini die, ad matutinum figurato cantu celebrandis, canenda sunt, opportunè à cantoribus prævideri maxime curet; ne dum officium in choro peragitur, defectus aliquis præsentis populi aures offendant. Quòd si ob hujus diligentiae omissionem notabilis cantus dissonantia in choro contigerit, idem capellæ Magister ejus horæ, in quâ sic defecerit, salario mulctetur. Quia verò ad eundem capellæ Magistrum spectat, Missas, ac reliqua figurato cantu hujusmodi decantanda eligere, ac designare: ita ut illa, & non alia cantari debeant; eidem propterea injungitur, ut quemadmodum quæ ipse composuerit cantari, prout æquum est, faciet: sic etiam quæ ab aliis insignibus musicis composita repererit, similiter cani faciat; cum in hac celebri Ecclesiâ, ad quam undecumque concurritur, omne musicorum genus, à diversis auctoribus inventum cantari deceat, quò cantores in cujus-

74
vis generis musicâ exercitentur, atque adeo as-
suescant, & peritiores evadant.

§. III.

Oportet etiam, ut à cantoribus, tibicinibus,
& chori ministris, eidem capellæ Magis-
tro in ejus officio reverenter pareatur: & ideo ea-
dem Sancta Synodus præcipit, & mandat, ut
quod idem capellæ Magister cantoribus, & chori
ministris decantandum, tibicinibus verò, & or-
ganistæ sonandum commiserit, ac quibuslibet illo-
rum quidpiam, vel ad chori facistorium dicere,
vel super cantu firmo contrapunctum facere, vel
ad organi sonitum concinere, vel denique in re-
liquis ad ejusdem Magistri officium pertinentibus
injunxerit, id ipsum ab omnibus, & singulis su-
prâ dictis, sine aliquâ excusatione, aut morâ per-
ficiatur. Qui verò ejusdem Magistri commissa, &
injuncta hujusmodi non egerit, Præsidentis arbi-
trio mulctetur.

§. IV.

Præcipit similiter eadem Sancta Synodus, ut
singulis Dominicis, & aliis observari solitis
festivis diebus, in quibus ad organi sonitum can-
endum fuerit, idem capellæ Magister, & canto-
res initio tertiæ, & vesperarum, videlicet ad *Deus*
in Adjutorium meum, &c. choram ingrediantur, ut
tam ad antiphonam *Asperges*, quam ad psalmo-
diam, & etiam ad contrapunctum super eisdem
spalmis intonandum prompti, & parati existant.
Quod si vel capellæ Magister, vel cantores hujus-

75
modi prædicto tempore ingressi non fuerint, at-
tento parvo eorum salario, moderatè mulctentur.

§. V.

UT autem cantores dexteriores evadant, or-
dinat eadem Sancta Synodus, ut ii, quos
capellæ Magister instructione egere dixerit, lec-
tioni musicæ, de quâ superius fit mentio, inter-
esse teneantur. Qui verò ex suprâ dictis lectioni
hujusmodi, nisi ob adversam valetudinem, vel
absentiam ab hac Civitate de legitimâ licentiâ
factam, defuerit, Præsidentis arbitrio etiam mo-
deratè mulctetur.

§. VI.

ET quoniam sæpè contingit, unico absente
cantore, chorum musicorum imperfectum
manere, ac proinde decentem sollemnitatibus or-
natum, & splendorem desiderari: & experientia
docet, ex aliquorum Præbendorum, qui etiam
cantores sunt, absentia, notabiles intervenisse de-
fectus: idcirco Sancta hæc Mexicana Synodus de-
cernit, & mandat, ut nulli Præbendato cantoris
munus habenti, vel ad vespas, vel per totum
cujuslibet festivitatis musicam requireris diem,
capere requiem liceat; sed Præbendati hujusmo-
di, qui cantorum salario fruuntur, ea ipsa, ad
quæ alii cantores non Præbendati tenerentur, ni-
si hebdomadarii fuerint, ac propterea, in aliquo
ejus hebdomadæ ministerio occupati existant, ser-
vare similiter debeant. Qui autem contra hanc
ordinationem fecerint, mulctæ subjaceant.

Insuper, idem Magister, & cantores in omnibus Dominicis Paschaliū festivitatum diebus, ad primas, & secundas vesp̄as Domini Sabaoth, in reliquis etiam Dominicis, & Beatæ Mariæ festivitibus observari solitis, ad primas vesp̄as, primum, tertium, & quintum Psalmum; ad matutinum verò canticum *Benedictus*, alternis cum organo versibus eā musicæ differentiā, quæ *fabordon* dicitur; hymnum tamen, & canticum *Magnificat*, tam ad easdem primas, quàm ad secundas vesp̄as, totam quoque Missam, non solum in præmissis festivitibus, sed etiam in aliis duplicibus majoribus similiter observari solitis, cantu figurato canere teneantur.

Prætereā, à primā die Sabbati Quadragessimalis usque ad feriam tertiam majoris hebdomadæ inclusivè antiphonam *Salve Regina*; & tam in Nativitatis & Epiphaniæ Domini diebus, quàm in Assumptionis ac Nativitatis Beatæ Mariæ, & aliis pro tempore nominandis festivitibus cantilenas rhythmicas, devotas quidem, & honestas, ac per Prælatum approbatas; atque in Dominicā Palmarum Passionem Domini, & in majori hebdomadā primas ad matutinum lamentationes, aliaque officia, eisdem in tabulā committenda, cantare debeant.

STATUTORUM

PARS SECUNDA.

CAPUT I.

De Capitulis in Ecclesiā habendis, illorumque tempore, & assistentiæ modo.

§. I.

Duobus cujuslibet hebdomadæ diebus, per Ecclesiarum hujus Archiepiscopatus, & Provinciæ erectionem designatis, Capitulares ad Capitulum congregari debent; quæcumque videlicet teritiā feriā, ut de temporalibus ad mensæ Capitularis, & fabricæ bona spectantibus negotiis agant; quolibet quoque sextā feriā, ut de spiritualibus rebus, ad Divini cultus reformationem pertinentibus disserant. Ad illud verò, non nisi post horarum Canonicarum officium, nempe post primam, quousque teritiā, vel sexta dicenda sit, vel post Missæ majoris celebrationem accedant: ita ut tam ad præbendarum, beneficiorumque suorum obligationem, & scopum, qui Divinus est cultus, quàm ad congregationes Capitulares, quæ vel præscripto, vel vespertino post horarum recitationem tempore haberi possunt, potius attendant.

§. II.

CUM primū locum Capituli ingressi fuerint, ad Sacram ibi propositam Imaginem singu-

Concil. Compost. c. 95. 96. 97. 98. & 99. Consuet. Gran. c. 66 tit. del Cabildo. Concil. Milan. 3. tit. de his, que ad Capitulum pertinent. Concil. Compost. act. 2. D. 7. & Concil. Tolera. act. 3. c. 12. Statutum Ecclesie Composteli c. 93. & Limens. 2. c. 74. Milan. 1. p. 2 tit. de his, qui dignitates, personatus aut Canonicatus habent, verb. Canonici.

Iuvat. Concil. Milan. 3. tit. de his, que ad Capitulum pertinent.